

lieuës auant que ie me ressentisse beaucoup de ces fascheuses maladies, mais après ie m'en trouuay tellement trauaillé qu'il me sembloit n'auoir iamais tant souffert corporellement au reste de ma vie, comme ie souffris pendant trois mois six iours de nauigation qu'il nous fallut (à cause des vents contraires) pour traverser ce grand & espouventable Ocean, & arriuer à Kebec, demeure des Mineurs Recollects.

Or pour ce que le Capitaine de nostre vaisseau auoit commission d'aller charger du sel en Broüage, il nous y fallut aller necessairement & passer devant la Rochelle, à la rade de laquelle nous nous arrestames deux iours, pendant lesquels nos gens allerent negotier en ville pour leurs affaires particulieres. Il y auoit là bon nombre de Nauires Hollandois tant de guerre que marchands, qui alloient charger du sel en Broüage & à la riuere de Suedre proche Mareine; nous en auions des-ja trouué en chemin enuiron 30. ou 40. en diuerfes flottes, & aucun n'auoit couru sus-nous, entant que nostre pa- || uillon nous faisoit cognoistre : 115 il y eut seulement un Pirate Holandois qui nous voulut attaquer & tendre combat, ayant des-ja à ce dessein ouuert ses sabors, faict boire & armer ses gens; mais pour n'estre pas assez forts, nous gagnames le deuant à petit bruit & nous sauuames à la voile. Ce miserable traïsnoit des-ja quand & luy, un autre Nauire chargé de sucre & autres marchandises qu'il auoit volé à des pauvres marchands François venans d'Espagne.

De la Rochelle on prend d'ordinaire un pilote de loüage pour conduire les Nauires qui vont à la riuere